

28 OCT 2000

DR MAHATHIR TIBA DI HONG KONG

HONG KONG, 28 Okt (Bernama) -- Perdana Menteri Malaysia Datuk Seri Dr Mahathir Mohamad tiba di sini untuk menyampaikan ucapan pada gala jamuan malam Asia Society hari ini.

Dr Mahathir telah diundang oleh institusi yang berpusat di New York itu untuk berucap atas tajuk "Agenda For A New Asia" (Agenda Bagi Asia Baru).

Beliau diiringi isteri Datin Seri Dr Siti Hasmah Mohd Ali.

Ketibaan mereka disambut oleh Duta Malaysia ke China Datuk Majid Khan dan Konsul Besar Malaysia di sini Datuk Rasidi Hazizi.

Dr Mahathir akan menikmati jamuan tengah hari bersama-sama masyarakat Malaysia dan kemudian mengadakan perjumpaan dengan beberapa pemimpin perniagaan Hong Kong termasuk Li Ka Shing.

Majlis jamuan malam Asia Society itu diadakan di Pusat Persidangan dan Pameran Hong Kong.

-- BERNAMA

TCL RHM AKD